

СУВ ХЎЖАЛИГИДА МЕЛИОРАТИВ ТИЗИМЛАР ҲОЛАТИНИ БАҲОЛАШНИНГ УСЛУБИЙ ЖИҲАТЛАРИ

Салиллайев Алибек Салауатович

Қорақалпоқ давлат университети, 1-курс магистрант.

Исмаилов Тимур Куатбаевич

Қорақалпоқ давлат университети, доцент ў. а.

<https://doi.org/10.5281/zenodo.12527852>

Аннотация. Мақолада республикамиздаги сув хўжалиги тизимини яхшилаш, сув ресурсларини бошқариш тизимини тақомиллаштириш, сув хўжалиги ташкилотларининг моддий-техник базасини мустаҳкамлаш бўйича ишлар кўрсатилган.

Таянч сўзлар: ирригация, мелиорация, тизим, коллектор-дренаж, сув ресурсларини бошқариш, сув таъминоти.

METHODOLOGICAL ASPECTS OF STATE ASSESSMENT OF MELIORATIVE SYSTEMS IN WATER MANAGEMENT

Abstract. In the article describes the work on improving the water management system in the country, improving the water resources management system, strengthening the material and technical base of water management organizations.

Key words: irrigation, reclamation, system, collector-drainage, water resources management, water supply.

МЕТОДОЛОГИЧЕСКИЕ АСПЕКТЫ ГОСУДАРСТВЕННОЙ ОЦЕНКИ МЕЛИОРАТИВНЫХ СИСТЕМ В ВОДХОЗЯЙСТВЕ

Аннотация. В статье описана работа по совершенствованию системы управления водными ресурсами в стране, совершенствованию системы управления водными ресурсами, укреплению материально-технической базы водохозяйственных организаций.

Ключевые слова: ирригация, мелиорация, система, коллектор-дренаж, управление водными ресурсами, водоснабжение.

Маълумки, дунё бўйича глобал равишда табиий-иклиминг ўзгариши, ижтимоий-демографик ҳолатдаги вазият, сув ресурсларининг тақчиллашиб бориши, сув ресурсларининг трансчегаравий хусусиятидан келиб чиқсан ҳолда Марказий Осиёда сув заҳиралари тақсимотидаги кузатилиши мумкин бўлган таркибий ўзгаришлар қайд этилган тенденцияни узоқ келажакда ҳам кузатилишини янада ойдинлаштиради.

Шу боис, 2007-2012 йиллар ва 2013-2017 йилларга мўлжалланган суғориладиган ерларнинг мелиоратив ҳолатини яхшилашни ва сув ресурсларидан оқилона фойдаланишни таъминлаш бўйича комплекс чора-тадбирлар амалиётта кенг жорий этилди ва ўз ижобий натижаларини кўрсатди. Аммо, шунга қарамай мелиоратив тизимнинг моддий-техник таъминоти, амалга оширилаётган тадбирлар самарасининг бугунги кун талабига жавоб бермаслиги истиқболда “суғориладиган ерларнинг мелиоратив ҳолатини янада яхшилаш, мелиорация ва ирригация объектлари тармоқларини ривожлантириш...” каби масалаларнинг асосий стратегик вазифалардан бири сифатида белгилаб олинишига сабаб бўлди (1).

Чунки, бугунги кунда тизимнинг тўлиқ қувват билан ишлаши учун “4487 километр ирригация тизими каналларини, 5250 километр суғориш тармоғини, 3636 та гидротехника иншоотини, 495 та насос станциялари (агрегатлари)ни ва 1500 та тик суғориш қудуқларини, шунингдек, 7500 километр коллектор-дренаж шахобчаларини, 13 та мелиоратив насос станциялари ҳамда 185 та тик дренаж қудуқларини реконструкция қилиш ва қуриш талаб этилади” (2).

Шу сабабдан ҳам мазкур қарорда 2018-2019 йилларга мўлжалланган комплекс чора-тадбирлар Дастурини амалга оширишнинг асосий йўналишлари сифатида “суғориладиган ерларнинг мелиоратив ҳолати ва тупроқ унумдорлиги мониторинги ва назорати тизимини такомиллаштириш” каби масалалар асосий йўналиш сифатида белгилаб берилди.

Маълумки, мелиорация тупроқ унумдорлигига ер ости сувлари, ер усти сувлари билан бирга атроф-муҳит ҳамда иқлимнинг ҳам таъсирини назарда тутади. Шу сабабдан ҳам мелиорацияни тор маънода эмас, балки кенг маънодаги ўзаро узвий бир-билик бўлган табиий ва техноген таркибий қисмларни ўз ичига олувчи мураккаб тизим сифатида қаралмоғи лозим. Чунки, замонавий мелиорация концепцияси мелиорация тадбирларини амалга оширишда фақат комплекс ёндашилгандагина қишлоқ хўжалигида экологик барқарор, иқтисодий самарали ва ижтимоий зарур бўлган мелиоратив тизимни юзага келтириш мумкинлигини кўрсатади.

Илмий адабиётларда мелиоратив тадбирларни турларини классификацияси бўйича қарашлар турлича. Мазкур классификациядан келиб чиқсан ҳолда мелиоратив тизимлар ҳолатини баҳолашда дастлаб мелиоратив тадбирлар турлари хусусиятларини ўзида тўлиқ акс эттирувчи кўрсаткичлар тизимини ишлаб чиқиши мақсадга мувофиқ, деб ҳисоблаймиз.

Шундан келиб чиқсан ҳолда мазкур кўрсаткичлар орқали худуддаги мелиоратив тизимларнинг мавжуд ҳолатидан келиб чиқадиган хатарлилик даражасини аниқлаш мумкин (1-жадвал).

1-жадвал

Худуднинг мелиоратив ҳолатини баҳолаш индикаторлари тизими

№	Кўрсаткичлар	Хатарли- лик белгилар и	Баҳолаш мезонлар и	№	Кўрсаткичл ар	Хатарли- лик белгилар и	Баҳол аш мезон лари
1	Суғориш тармоғининг ФИК	>0,80 0,75-0,80 0,65-0,75 <0,65	1 2 3 4	11	Худуднинг ўртача балл- бонитети	81-100 61-80 41-60 21-40 0-20	1 2 3 4 5

2	Хўжаликлараро тармоқлардан ФИК	>0,90 0,80-0,90 0,75-0,80 <0,75	1 2 3 4	12	Далаларнинг нишаблиги, грудус	<0,001 0,001-0,0025 0,0025-0,0075 0,0075-0,025 >0,025	1 2 3 4 5
3	Сувдан фойдаланиш коэффициенти	0,9-0,85 0,85-0,80 0,80-0,75 <0,75	1 2 3 4	13	Йиллик ўртacha ёгингарчилик, мм	700> 551-700 251-550 <250	1 2 3 4
4	Ердан фойдаланиш коэффициенти	>0,90 0,90-0,85 0,85-0,75 <0,75	1 2 3 4	14	Тупроқнинг намгарчилик даражаси, %	21-22 19-20 16-28 <15	1 2 3 4
5	Тупроқдаги гумус микдори, %	>2 1,5-2,0 1,0-1,5 0,5-1,0 <0,5	1 2 3 4 5	15	ГТИларнинг ишчи холатдалиги, %	100 95-85 85-80 <80	1 2 3 4
6	Сизот сувлари сатҳи ҳолати, м	<3 2-3 1,5-2 1-1,5 0-1	1 2 3 4 5	16	Мелиоратив экспедиция бошқармаларининг моддий-техник таъминоти, %	86-100 71-85 57-70 <56	1 2 3 4
7	Сизот сувларининг	0-1 1-3	1 2	17	Мелиоратив экспедиция бошқармала	86-100 71-85	1 2

	минераллашганл ик ҳолати, г/л	3-5 5-10 >10	3 4 5		рида кадрлар таъминоти, %	57-70 <56	3 4
8	Сизот сувлари сатҳи критик чукурликдан юқори бўлган майдон, %	0 5-10 10-20 <20	1 2 3 4	18	СИУларнинг моддий- техник таъминоти, %	86-100 71-85 57-70 <56	1 2 3 4
9	Критик шўрланган майдон, %	0 5-10 10-20 <20	1 2 3 4	19	СИУларда кадрлар таъминоти, %	86-100 71-85 57-70 <56	1 2 3 4
10	Самарали харорат миқдори, %	6,0-8,0 3,5-5,0 1,5-3,0 0,5-1,5	1 2 3 4	20	Ҳавонинг нисбий намлиги, %	60-70 50-60 40-50 <30	1 2 3 4
Хатарлилик индикаторларининг интеграл кўрсаткичи				$min - 20$ $max - 85$			

Мазкур методикада мелиоратив тизимларнинг ҳолатини баҳоловчи кўрсаткичлар сони уларнинг устуворлигидан келиб чиқсан ҳолда кўпайиши ёки камайиши мумкин.

Бизнинг тадқиқотларимизда ерларни мелиоратив ҳолатига бевосита ва билвосита таъсир этувчи ўзаро бир-бири билан узвий боғлиқлиқдаги омилларни акс эттирувчи кўрсаткичлар сони 20 тани ташкил этади.

Хатарлилик белгиларини шакллантиришда асосан илмий асосланган ҳамда мелиоратив тизим ҳолатига у ёки бу маънода билвосита таъсир этувчи кўрсаткичлар танланиб, эксперт баҳолаш имконини берувчи белгилар асос қилиб олинади.

Хатарлилик индикаторлари асосан 4 баҳо билан баҳолангани ҳолда 1 – “яхши”, 2 – “қониқарли”, 3 – “қониқарсиз”, 4 – “худуднинг ҳолати деградацияга учраган”, деган холосани беради (2-жадвал).

2-жадвал

Худуднинг мелиоратив ҳолатини бошқаришдаги хатарлилик шкаалаларининг тавсифи



Мелиоратив тизимларни комплекс қайта таъмирлаш учун молиявий ресурсларнинг етишмаслиги, ушбу тадбирларни босқичма-босқич амалга оширишни талаб этади. Шу боис, бизнингча худуднинг хусусиятидан келиб чиққан ҳолда қайд этилган усул ёрдамида ҳисобкитоб қилиниб:

Биринчи босқич – тупроқнинг мелиоратив ҳолатини бошқаришдаги хатарлилик 4-шакласига эга бўлган худудда амалга ошириш. Ушбу тадбирлар ички ва ташқи инвестициялар ҳисобидан амалга оширишни назарда тутади. Ушбу босқичда гап нафақат қайта таъмирлашга, мелиоратив тизимни қайта қуриш балки, юқори технологиялар билан таъминлашни ҳам англатади. Шунинг учун ушбу босқичда капитал қўйилмаларга бўлган эҳтиёж иккинчи ва учинчи босқичларга нисбатан анча юқори бўлади.

Иккинчи босқичда тупроқнинг мелиоратив ҳолатини бошқаришдаги хатарлилик 3-шакласига эга бўлган худудда амалга ошириш. Ушбу чора-тадбирларнинг амалга оширилиши мавжуд гидромелиоратив тизимларни сақлаб қолиш ва уларни янада замонавий ва иқтисодий жиҳатдан самарали техник базасини қисман тиклаш (реконструкция қилиш) бўйича ерларнинг мелиоратив ҳолатини яхшилаш сиёсатини амалга ошириш билан боғлиқ.

Учинчи босқичда тупроқнинг мелиоратив ҳолатини бошқаришдаги хатарлилик 2-шакласига эга бўлган худудда амалга ошириш. Ушбу фаолиятни ер эгалари бўлган субъектлар, дехқон ва фермер хўжаликлари ҳисобидан амалга ошириш мақсадга мувофиқдир ва пировард натижада мазкур худудни 1-шакала, яъни худуднинг мелиоратив ҳолатини “яхши” кўрсаткичига кўтариш мақсадини ўз ичига олади.

Бу услубий ёндашув, биринчидан, худудда мавжуд мелиоратив тизимнинг моддий-техник ҳолати, сув таъминоти ва сифати, тупроқнинг сифатига баҳо бериш асосида худуднинг умумий мелиоратив ҳолати характеристикасини ишлаб чиқиши;

Иккинчидан, сугориладиган ерларнинг мелиоратив ҳолати ва тупроқ унумдорлиги мониторингини юритиш ва назорати тизимини такомиллаштириш;

Учинчидан эса, мазкур баҳолаш натижасидан келиб чиқсан ҳолда худуднинг мелиоратив ҳолатини яхшилаш бўйича яқин, ўрта ва узоқ муддатли стратегиясини ишлаб чикиш имкониятини яратади.

REFERENCES

1. Ўзбекистон Республикаси Президентининг 2017 йил 7 февралдаги ПФ-4947-сон «2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегияси» Фармони, Ўзбекистон Республикаси қонун хужжатлари тўплами, 2017 й. 29-бет.
2. Ўзбекистон Республикаси Президентининг 2017 йил 27 ноябрь ПҚ-3405-сон “2018-2019 йилларда ирригацияни ривожлантириш ва сугориладиган ерларнинг мелиоратив ҳолатини яхшилаш давлат дастури тўғрисида”ги қарори.
3. Ismailov K. S. et al. Organizational-Economic Principles of Digitalizing the Processes of Using Meliorative Systems //Journal of Survey in Fisheries Sciences. – 2023. – Т. 10. – №. 2S. – С. 3088-3091.
4. Исмаилов К. С., Байжанов С. Х., Исмайлова Т. К. Трудовые ресурсы и занятости населения в регионе //Экономика и предпринимательство. – 2021. – №. 6. – С. 557.
5. Mukhtorov U. et al. Innovative organization and increase of efficiency of agricultural melioration measures of Uzbekistan //E3S Web of Conferences. – EDP Sciences, 2023. – Т. 386. – С. 03009.
6. Khozhâlepesov P. Z., Ismailov T. K. The Main Issues of the Development of Cotton and Textile Industry in the Republic of Uzbekistan //International Scientific Journal Theoretical & Applied Science. – 2022. – Т. 7. – №. 111. – С. 158-160.
7. Исмаилов Т. К. НЕОБХОДИМОСТЬ ЭФФЕКТИВНОГО УПРАВЛЕНИЯ МЕЛИОРАТИВНЫМИ МЕРОПРИЯТИЯМИ И ЗАРУБЕЖНЫЙ ОПЫТ //Бюллетень науки и практики. – 2022. – Т. 8. – №. 2. – С. 124-130.
8. Goibberdiev S. et al. Improving the assessment of agricultural land reclamation condition using GIS based on the interdependence of the factors impact //E3S Web of Conferences. – EDP Sciences, 2023. – Т. 443. – С. 06013.
9. Исмаилов Т. К. СТРУКТУРНО-ОРГАНИЗАЦИОННЫЕ РЕФОРМЫ СИСТЕМЫ ВОДНОГО ХОЗЯЙСТВА УЗБЕКИСТАНА //Экономика и управление отраслями, комплексами на основе инновационного подхода. – 2020. – С. 262-265.
10. Исмайлова К., Тимур И. БЮДЖЕТ ТАШКИЛОТЛАРИДА БУХГАЛТЕРИЯ ҲИСОБИНИ ЮРИТИШДА" УзАСБО" ДАСТУРИНИ ҚЎЛЛАШНИНГ АФЗАЛЛИКЛАРИ //Экономика и финансы (Узбекистан). – 2016. – №. 1. – С. 48-52.
11. Khakimov R. et al. Current state of agriculture in the republic of Uzbekistan and the need for improving the efficiency of agro-clusters in the fruit and vegetable industry //IOP Conference Series: Earth and Environmental Science. – IOP Publishing, 2022. – Т. 1043. – №. 1. – С. 012043.

12. Ismailov K. S. et al. Organizational-Economic Principles of Digitalizing the Processes of Using Meliorative Systems //Journal of Survey in Fisheries Sciences. – 2023. – Т. 10. – №. 2S. – С. 3088-3091.
13. Xalmuratovich B. S. et al. Use of Marketing Methods in the Development of Strategies for Diversification of Agricultural Production in the Republic of Karakalpakstan //Solid State Technology. – 2020. – Т. 63. – №. 4. – С. 516-522.
14. Исмаилов К. С., Байжанов С. Х., Исмайлова Т. К. Трудовые ресурсы и занятости населения в регионе //Экономика и предпринимательство. – 2021. – №. 6. – С. 557.
15. Исмайлова К. С., Байжанов С. Х., Бекбосынов К. К. Современное состояние рынка труда и проблемы занятости //Бюллетень науки и практики. – 2021. – Т. 7. – №. 7. – С. 212-220.
16. Исмайлова К., Тажекеев З. «БУХГАЛТЕРИЯ ЕСАБЫ ҲАҚҚЫНДА» ФЫ НЫЗАМНЫҢ ЖАҢА РЕДАКЦИЯСЫНЫҢ ӘХМІЙЕТИ //ВЕСТНИК КАРАКАЛПАССКОГО ГОСУДАРСТВЕННОГО УНИВЕРСИТЕТА ИМЕНИ БЕРДАХА. – 2017. – Т. 34. – №. 3. – С. 31-34.
17. Mamutova A., Menlimuratova J. FEATURES OF MATERIALS ANALYSIS IN THE FIELD OF CONSTRUCTION //Modern Science and Research. – 2024. – Т. 3. – №. 5. – С. 189-193.
18. Abishov M., Mamutova A. FEATURES OF TAXATION OF CONSTRUCTION COMPANIES IN FOREIGN COUNTRIES AND THEIR USE IN OUR COUNTRY //Modern Science and Research. – 2024. – Т. 3. – №. 2. – С. 296-304.
19. Mamutova A., Ablezova B. THE ROLE OF AGRICULTURAL PRODUCTION IN THE ECONOMY //Modern Science and Research. – 2024. – Т. 3. – №. 1. – С. 270-273.
20. Mamutova A., Ibragimov A. IMPROVING THE ANALYSIS OF FINANCIAL RESULTS IN BANKING INSTITUTIONS //Modern Science and Research. – 2023. – Т. 2. – №. 10. – С. 561-567.
21. Mamutova A., Menlimuratova J. FEATURES OF MATERIALS ANALYSIS IN THE FIELD OF CONSTRUCTION //Modern Science and Research. – 2024. – Т. 3. – №. 5. – С. 189-193.